

**BASES DA CONVOCATORIA PARA A CONCESIÓN DE SUBVENCÍONS, EN RÉXIME DE CONCORRENCIA NON COMPETITIVA, A CLUBS DEPORTIVOS DA PROVINCIA DE LUGO PARA OS GASTOS DE TEMPORADA 2015-2016 POLA SÚA PARTICIPACIÓN EN LIGAS OU CAMPIONATOS OFICIAIS FEDERADOS POR EQUIPOS DE 1ª OU 2ª CATEGORÍA ABSOLUTA ESTATAL.**

**1.- OBXECTO E RÉXIME DAS SUBVENCÍONS**

Constitúe o obxecto desta convocatoria a ordenación do procedemento aplicable para o outorgamento de subvencións, en réxime de concorrencia non competitiva, a clubs deportivos da provincia de Lugo para os gastos de temporada 2015-2016 pola súa participación en ligas ou campionatos oficiais federados por equipos de 1ª ou 2ª categoría absoluta estatal. A elección deste procedemento vén motivada pola propia natureza das subvencións, xa que a súa condición unicamente a determina o cumprimento por parte das entidades solicitantes dos requisitos establecidos na propia resolución, simplificando e axilizando a súa tramitación.

1.1. As subvencións destas bases teñen por finalidade o fomento e a promoción do deporte lucense no seu ámbito deportivo-competitivo.

1.2. Será obxecto deste procedemento de subvencións financiar os gastos de temporada 2015-2016 derivados da participación por parte dos clubs deportivos da provincia de Lugo en ligas ou campionatos oficiais federados por equipos de 1ª ou 2ª categoría absoluta estatal, de como mínimo 15 xornadas de competición regular oficial.

1.3. Estas subvencións outórganse polo procedemento de concorrencia non competitiva, consonte ao disposto no artigo 19.2º da Lei 9/2007, do 13 de xuño, de subvencións de Galiza, entre as solicitudes presentadas que reúnan os requisitos establecidos cando, polo obxecto e a finalidade da subvención, non sexa necesario realizar a comparación e prelación das solicitudes presentadas. Os beneficiarios veñen determinados automaticamente por cumpriren os requisitos establecidos para teren a condición de beneficiario consonte á base segunda da presente convocatoria.

**Réxime da convocatoria:**

As subvencións, en réxime de concorrencia non competitiva a clubs deportivos da provincia de Lugo para os gastos de temporada 2015-2016 pola súa participación en ligas ou campionatos oficiais federados por equipos de 1ª ou 2ª categoría absoluta estatal, teñen por obxecto a cobertura de custos (código obxecto 3), articularanse na modalidade

subvención (código instrumento axuda SUBV) sen contraprestación en réxime de concorrencia non competitiva, sendo esta un tipo de subvención non cualificable como axuda de Estado a empresa (código tipo de subvención 1), encadrada dentro do sector económico das actividades deportivas cunha finalidade de promoción deportiva (código finalidade 93.1), prevendo unha diminución ou eliminación das desigualdades detectadas e contribuíndo aos obxectivos das políticas de igualdade (código do impacto de xénero 3).

Pódese consultar a Ordenanza Xeral de Subvencións da Deputación de Lugo na web desta entidade local, en concreto na seguinte dirección:

[http://www.deputacionlugo.org/portal\\_localweb\\_ag/p\\_20\\_contenedor1.jsp?seccion=s\\_fdes\\_d4\\_v1.jsp&tipo=6&&contenido=30233&nivel=1400](http://www.deputacionlugo.org/portal_localweb_ag/p_20_contenedor1.jsp?seccion=s_fdes_d4_v1.jsp&tipo=6&&contenido=30233&nivel=1400)

## **ARTIGO 2. REQUISITOS DOS BENEFICIARIOS**

As entidades beneficiarias perceptoras da subvención terán os dereitos e obrigas, de conformidade co sinalado no artigo 5, da Ordenanza Xeral de Subvencións da Deputación Provincial de Lugo.

Poderán ser beneficiarios das subvencións os clubs deportivos da provincia de Lugo que teñan a súa sede e domicilio social na provincia de Lugo e participen en ligas ou campionatos oficiais federados por equipos de 1ª ou 2ª categoría absoluta estatal, na modalidade para a que solicitan a subvención e que no momento da convocatoria o soliciten de acordo co establecido na presente convocatoria, tendo a consideración de beneficiario da subvención a entidade destinataria dos fondos públicos para a actividade ou acción que dentro da finalidade destas bases, se atope na situación que lexitima a súa concesión.

Non poderán obter a condición de beneficiarios destas subvencións os clubs deportivos nos que conorra algunha das circunstancias sinaladas no punto 2º do artigo 13 da Lei 38/2003, do 17 de novembro, xeral de subvencións, e en consecuencia, non poderán obter a condición de beneficiario das subvencións, quen conorra nalgunha das seguintes circunstancias:

**a)** Que fose condenado mediante sentenza firme á pena de perda da posibilidade de obter subvencións ou axudas públicas.

**b)** Que solicitase a declaración de concurso voluntario, fose declarado insolvente en calquera procedemento, que se atope declarado en concurso, agás que este adquirise a eficacia dun convenio, estiver suxeito a intervención xudicial ou fose inhabilitado conforme á Lei 22/2003, de 9 de xullo, concursal sen que concluíse o período de inhabilitación fixado na sentenza de cualificación do concurso.

c) Que dese lugar, por causa da que fosen declarados culpables, á resolución firme de calquera contrato celebrado coa Administración.

d) Estar incurso a persoa física, os administradores das sociedades mercantís ou aqueles que desempeñen a representación legal doutras persoas xurídicas, nalgún dos supostos da Lei 5 /2006 de 10 de abril, de regulación dos conflitos de intereses dos membros do Goberno e dos altos cargos da Administración Xeral do Estado, da Lei 53/ 1984 de 26 de decembro, de Incompatibilidades do persoal ao Servizo das Administracións Públicas, ou por se tratar de calquera dos cargos electivos regulados na Lei Orgánica 5/1985 de 19 de xuño, do Réxime Electoral Xeral nos termos establecidos nesta na normativa autonómica que regule estas materias.

e) Non estar ao corrente no cumprimento das obrigas tributarias ou fronte a Seguridade Social impostas polas disposicións vixentes, na forma que se determine regulamentariamente.

f) Ter residencia fiscal nun país ou territorio cualificado regulamentariamente como paraíso fiscal.

g) Non estar ao corrente do pagamento de obrigas por reintegro de subvencións nos termos que regulamentariamente se determinen.

h) Que fose sancionado mediante resolución firme coa perda de obter subvencións conforme a esta ou a outras leis que así o establezan.

i) Non poderán acceder á condición de beneficiarios as agrupacións previstas no segundo parágrafo do apartado 3 do artigo 11 desta Lei cando conorra algunha das prohibicións anteriores en calquera dos seus membros.

j) As prohibicións de obter subvencións afectarán tamén a aquelas empresas das que, por razón das persoas que as rexen ou doutras circunstancias, poida presumirse que son continuación ou que derivan, por transformación, fusión ou sucesión, doutras empresas nas que concorresen aquelas.

k) Atoparse nalgún dos supostos que impidan a obtención da condición de beneficiario sinalados no apartado 3 do artigo 13. da Lei 38/2003, de 17 de novembro, Xeral de Subvencións e no artigo 10 da Lei 9//2007, do 13 de xuño de Subvencións de Galicia.

## **2.1 Obrigas dos beneficiarios**

a) Aceptar a subvención. No caso de que os beneficiarios non comuniquen á Excm. Deputación Provincial, no prazo máximo de quince días, a partir da notificación do outorgamento, a renuncia, entenderase que a subvención é aceptada.

b) Cumprir o obxectivo, realizar a actividade ou adoptar o comportamento que fundamenta a concesión das subvencións.

**c)** Acreditar ante a Excm. Deputación Provincial a realización da actuación ou a adopción do comportamento, así como o cumprimento dos requisitos e condicións que determinen a concesión ou goce da subvención.

**d)** Someterse ás actuacións de comprobación, que efectuará a Excm. Deputación Provincial, así como calquera outras de comprobación e control financeiro que poidan realizar os órganos de control competentes, achegando canta información lle sexa requirida no exercicio das actuacións anteriores.

**e)** Comunicar á Deputación Provincial a obtención de subvencións/axudas ou patrocinios (sen achega económica) para a mesma finalidade, procedentes de calquera Administracións ou Entes Públicos ou privados, nacionais ou internacionais. Esta comunicación deberá efectuarse tan axiña como se coñeza e, en todo caso, con anterioridade á xustificación da aplicación dada aos fondos percibidos.

**f)** Acreditar que se atopa ao corrente no cumprimento das súas obrigas tributarias (Axencia Tributaria Estatal, Facenda autonómica e Servizo de Recadación Provincial) ou fronte á Seguridade Social.

**g)** Conservar os documentos xustificativos da aplicación dos fondos recibidos, en tanto poidan ser obxecto das actuacións de comprobación e control.

**h)** Identificar convenientemente, para os efectos de difusión pública, as actuacións que se realicen.

**i)** Comprometerse a incluír a imaxe corporativa da área de Deportes da Excm. Deputación Provincial e utilizarán o idioma galego nas publicacións, nos carteis, na publicidade e en toda produción escrita e en todos aqueles soportes de imaxe ou de audio que ao uso as entidades utilicen para publicitar a actividade ou adquirir o comportamento subvencionado. Así mesmo, utilizarán o idioma galego a nivel verbal en todos aqueles actos vinculados ou derivados do plan de comunicación da actividade ou comportamento. A imaxe será cedida pola Institución Provincial.

**j).**- Os beneficiarios comprométense coa utilización nas publicacións, nos carteis, na publicidade e en toda produción escrita e en todos aqueles soportes de imaxe ou de audio que ao uso as entidades utilicen para publicitar a actividade ou adquirir o comportamento subvencionado, dunha linguaxe non sexista e inclusiva, así como o uso de imaxes publicitarias que en ningún caso vulneren a dignidade da muller.

**K)** Os beneficiarios comprométense a colaborar, coa precisa previa planificación, nas actividades de fomento do deporte de base programadas pola Área de Benestar Social, Deporte, Igualdade e Mocidade, e, especialmente, mediante a participación dos xogadores/as, adestradores e equipo técnico nas actividades, cursos, conferencias ou clínicas dirixidos a deportistas de base e á comunidade educativa, naquelas campañas ou actos que

a Área puidese deseñar e desenvolver no campo da igualdade de xénero e de promoción do deporte entre colectivos de capacidades diferentes.

l) Non desenvolver dentro da actividade subvencionada, actuacións que inclúan tácita ou implicitamente contidos ou publicidade sexista e que se poidan considerar discriminatorias, vexatorias ou que xustifiquen, banalicen ou inciten á desigualdade de xéneros ou á violencia de xénero, de acordo coa lexislación vixente en materia de igualdade entre homes e mulleres e de protección contra a violencia de xénero.

m) Establécese que, cando menos o 5% do custo total da actividade subvencionada, deberá ser financiado con recursos propios da entidade beneficiaria.

n) A colocación no lugar de competición como local e en lugar visible (estadio, cancha, etc) da imaxe corporativa da Deputación Provincial de Lugo, nos distintos soportes utilizados na realización da actividade ou comportamento.

ñ) Lucir na indumentaria, de acordo coa normativa reguladora da respectiva competición, a imaxe institucional da Deputación de Lugo.

En todo caso, aqueles clubs que, por razóns debidamente acreditadas a xuízo da Deputación de Lugo, non poidan cumprir as obrigas previstas neste dous últimos puntos, deberán comunicalo canto antes, achegando alternativas que permitan satisfacer as necesidades de difusión. Nestes casos, a Deputación de Lugo, decidirá motivadamente a autorización ou non das alternativas propostas.

O abandono dun club deportivo da competición na que estea inscrito antes da súa finalización, calquera que sexa a razón, dará lugar ao reintegro da totalidade das contías percibidas e a esixencia do xuro de mora correspondente dende o momento do pagamento da achega ata a data na que se acorde a procedencia do reintegro, de conformidade con canto se establece no artigo 16 da Ordenanza Xeral de subvencións desta Deputación, no artigo 34.3 da Lei 38/2003, do 17 de novembro, Xeral de subvencións e no artigo 31.5 da Lei 9/2007, do 13 de xuño de Subvencións de Galicia.

### **ARTIGO 3. COMPATIBILIDADE**

As subvencións concedidas ao abeiro destas bases poderán ser concorrentes con subvencións doutras administracións ou entes públicos ou privados, nacionais, da Unión Europea ou de organismos internacionais, sen prexuízo da obriga de lle comunicar ao órgano concedente a súa obtención. O importe total das subvencións en ningún caso poderá ser de tal contía que, illadamente ou en concorrencia con outras subvencións,

ingresos ou recursos, supere o gasto realizado polo beneficiario. Esta circunstancia deberá ser acreditada polo beneficiario conforme o establecido nas bases desta convocatoria.

#### **4.- CARÁCTER DA SUBVENCIÓN**

As subvencións que se concedan segundo as presentes bases e de acordo co Plan Estratéxico de Subvencións 2015 prorrogado, para a Excm. Deputación Provincial de Lugo terán carácter voluntario e eventual.

A concesión de subvencións para a anualidade de 2016, non xeran ningún dereito á obtención de subvencións en convocatorias posteriores.

En calquera caso, a Deputación Provincial, quedará exenta de toda responsabilidade civil, mercantil, laboral ou de calquera tipo que se derive das actuacións ás que queden obrigados os beneficiarios das subvencións.

#### **5.- ORZAMENTO**

A cantidade destinada para a concesión de subvencións, en réxime de concorrencia non competitiva, a clubs deportivos da provincia de Lugo para gastos de temporada 2015-2016 pola súa participación en ligas ou campionatos oficiais federados por equipos de 1ª ou 2ª categoría absoluta estatal, será de catrocentos setenta mil euros (470.000,00 €) con cargo á aplicación 3410/48900 do orzamento do presente ano 2016, segundo a previsión establecida no Plan Estratéxico de Subvencións prorrogado desta Excm. Deputación Provincial de Lugo, área de Deportes na súa liña B1, actuación C.

#### **6.- PRESENTACIÓN, PRAZOS, LUGAR DE PRESENTACIÓN, ÓRGANO AO QUE SE DIRIXE A PETICIÓN E DOCUMENTACIÓN A PRESENTAR.**

As solicitudes, dirixidas ao Presidente de Deputación de Lugo, formularanse nos modelos oficiais, os cales serán facilitados directamente pola Deputación Provincial: un exemplar da solicitude- xunto coa documentación que se acompañe- presentaranse no Rexistro Xeral de Deputación, quedando outro exemplar en posesión dos interesados.

O prazo de presentación de solicitudes **será de 10 días hábiles**, a contar dende o día seguinte da publicación no BOP da provincia de Lugo do extracto da convocatoria.

As solicitudes deben ser subscribas polos peticionarios, acompañándoas daqueles documentos requiridos para cumprir a condición de beneficiario e daqueles que conveñan para a definición da axuda solicitada en función das finalidades establecidas nas bases desta convocatoria.

A non presentación da documentación ou omisión de datos de xeito total ou parcial terá como consecuencia a non valoración dos criterios establecidos que non estean suficientemente xustificadas.

**OS DOCUMENTOS NECESARIOS A PRESENTAR COA SOLICITUDE SON:**

- Proxecto e memoria completa da actividade programada.
- Fotocopia do NIF do representante da entidade
- Fotocopia do CIF da entidade
- Fotocopia dos estatutos da entidade, inscritos no rexistro de asociacións correspondente. No caso de telos presentados con anterioridade, deberá achegar certificado do secretario da entidade de non ter producidas modificacións. (Anexo 11)
- Certificados de estaren ao corrente no cumprimento das obrigas coa Axencia Tributaria Estatal, Facenda da Xunta de Galicia, coa Seguridade Social e o Servizo de Recadación Provincial, impostas polas disposicións vixentes.
- Anexo 1. Solicitud de subvención provincial.
- Anexo 2. Certificación da entidade solicitante do orzamento financiable de gastos subvencionables da actividade para a que se solicita a axuda.
- Anexo 3. Certificación orixinal acreditativa da entidade do acordo de solicitude de subvención á Deputación Provincial e do nomeamento do representante da entidade para as relacións coa Deputación Provincial.
- Anexo 4. Certificación orixinal da entidade na que se faga constar o domicilio social actual e os membros da actual xunta directiva
- Anexo 5. Declaración do representante de estar ao corrente de obrigas, non estar incurso en prohibición para ser beneficiario segundo o establecido na Lei Xeral de Subvencións e da Lei de Subvencións de Galicia.
- Anexo 6. Declaración xurada do representante de subvencións/axudas ou patrocinios (sen achega económica) para a mesma finalidade, procedentes de calquera Administración ou Ente Públicos ou privado, estatal ou internacional. Esta comunicación deberá efectuarse tan axiña como se coñeza e, en todo caso, con anterioridade á xustificación da aplicación dada aos fondos percibidos, segundo o modelo normalizado.
- Anexo 7. Autorización da entidade, para os efectos de concesión e xustificación da subvención, para que a Deputación Provincial de Lugo solicite – se é o caso- os

certificados de estar ao corrente no cumprimento das obrigas coa Axencia Tributaria Estatal, Facenda da Xunta de Galicia e o Servizo de Recadación Provincial, impostas polas disposicións vixentes.

- Anexo 8. Certificado do secretario da entidade das dificultades económicas.
- Anexo 9. Declaración de non deducir o IVE, se é o caso, e de non ser debedor por resolución de procedencia de reintegro.
- Anexo 10. Certificado do secretario da entidade de que os estatutos non sufriron modificacións dende a súa presentación .
- Anexo 11. Solicitud de autorización para a subcontratación de actividades subvencionadas con Terceiros.

- Certificación da respectiva federación do deporte da inscrición do club na competición para a que solicita a axuda, na que se indique a modalidade, máxima categoría na que se milita, categorías nas que dispón de equipo federado, número de equipos e deportistas con licenza federativa por cada unha das categorías e equipos, e de calquera outro dato deportivo e da competición que deba ser acreditado pola federación correspondente do campionato ou liga na que participen e na modalidade para a que solicite a axuda.

- Certificación da Federación acreditativa da antigüidade do club deportivo.

- Documentación acreditativa dos contidos e fins sociais da actividade deportiva que desenvolva o club, para os efectos da súa valoración.

A presentación da solicitude implica o coñecemento e a aceptación das bases desta convocatoria.

Conforme o establecido na letra f) do artigo 35 da Lei 30/1992, do 26 de novembro, de réxime xurídico das administracións públicas e do procedemento administrativo común, os documentos exixidos que xa estean en poder da Administración actuante non deberán ser achegados coa solicitude, sempre que con esta se faga constar a data e o órgano ou dependencia en que foi presentada a documentación e que non transcorresen máis de cinco anos desde o remate do procedemento a que correspondan. No suposto de imposibilidade material de obter o documento, o órgano competente poderá requirirle ao solicitante a súa presentación ou, no seu defecto, a acreditación por outros medios dos requisitos a que se refire o documento, con anterioridade á formulación da proposta de resolución.

## **7. AVALIACIÓN DAS SOLICITUDES**

A área de Innovación, Participación Cidadá, Mocidade e Deporte será a encargada de instruír e tramitar os respectivos expedientes. Para tal efecto constituirase unha

Comisión de Avaliación que se encargará da valoración das solicitudes presentadas e formulará unha proposta a través do órgano instrutor consonte ao disposto no Artigo 24 da Lei 38/2003, do 17 de novembro, Xeral de Subvencións.

A devandita Comisión estará composta por tres funcionarios da Deputación de Lugo, a Sra. Interventora e Sr. Secretario Xeral da Deputación Provincial.

As regras de funcionamento da Comisión serán as recollidas nos artigos 22 a 27 da Lei 30/1992, do 26 de novembro, de Réxime xurídico das AAPP e do Procedemento Administrativo Común.

Os funcionarios da Deputación que se integrarán na sinalada Comisión de avaliación serán designados por Resolución da Presidencia, que precisará quen ostentará a Presidencia.

Revisados os expedientes e completados, de ser o caso, remitiranse á Comisión de Valoración para que esta proceda á súa avaliación e informe, no que se concretará o resultado da avaliación efectuada.

O órgano instrutor, elevará á Xunta de Goberno da Deputación para a súa aprobación o informe da comisión de valoración xunto coa proposta de resolución. A proposta, que non terá carácter vinculante, deberá expresar o solicitante ou a relación de solicitantes para os que se propón a concesión da subvención, e a súa contía, debendo facer constar -de xeito expreso- a desestimación do resto das solicitudes, se é o caso, segundo os principios de publicidade, transparencia, concorrencia, obxectividade, igualdade e non discriminación.

## **8. CRITERIOS DE DETERMINACIÓN DO IMPORTE DA SUBVENCIÓN**

### **A) Categoría**

Enténdese por categoría, a participación no primeiro ou segundo nivel da respectiva competición e modalidade, na temporada 2015-2016.

1º categoría	50 puntos
2º categoría	25 puntos

### **B) Número de categorías absolutas inferiores á que se milita, do total daquelas nas que se estrutura a competición deportiva para a que se solicita a subvención e acreditadas mediante certificación federativa (excluída aquela na que se milita), na temporada 2015-2016**

Maior ou igual ca 4	30 puntos
Menor a 4	10 puntos

C) **Ámbito xeográfico de desenvolvemento da competición**

Competición que se desenvolve nun único grupo de competición	40 puntos
Competición que se desenvolve en varios grupos de competición	20 puntos

D) **Existencia de equipos en categorías base**

Valorarase a existencia de equipos en categorías base na modalidade na que se solicite a axuda (poderáanse incluír aqueles filiais ou equipos cos que se manteña convenio efectivo e en vigor na anualidade na que se solicita a axuda e que así o acrediten), na temporada 2015-2016.

Con equipos en categorías base:	20 puntos
Sen equipos en categorías base:	0 puntos

E) **Equipos femininos do club o SAD solicitante que militen na primeira ou segunda categoría na modalidade deportiva para a que solicita a subvención, na temporada 2015-2016**

Con equipo feminino na primeira ou segunda categoría	10 puntos
Sen equipo feminino na primeira ou segunda categoría	0 puntos

F) **Anos de permanencia en 1ª categoría ou 2ª categoría na modalidade deportiva para a que solicita a subvención nos últimos 10 anos con tempadas rematadas, é dicir, entre a tempada 2005-2006 e a tempada 2015-2016.**

10 ou máis anos de permanencia	50 puntos
Menos de 10 anos	25 puntos

G) **Número de equipos do club que militen na primeira e segunda categoría na modalidade deportiva para a que solicita a subvención durante a temporada 2015-2016:**

1 equipo	0 puntos
2 equipos	10 puntos
3 equipos	20 puntos
4 equipos	30 puntos

H) **Anos de antigüidade na creación do equipo, debidamente acreditados, na temporada 2015-2016.**

Dez ou máis anos de historia	5 puntos
Menos de 10 anos de historia	2,5 puntos

- l) Contidos e fins sociais da actividade do club ou entidade debidamente acreditados, na temporada 2015-2016.

Contidos e fins sociais acreditados	5 puntos
Non acredita	2,5 puntos

## 9. CONTÍA DA SUBVENCIÓN

A cantidade concedida non é un importe certo, fai referencia a unha porcentaxe ou fracción do custo total da actuación subvencionada, xa que cando menos o 5% da actuación subvencionada deberá ser financiada pola propia entidade beneficiaria.

En caso de incumprimento do previsto no paragrafo anterior, procederase á redución da parte proporcional da achega económica provincial.

Toda alteración das condicións tidas en conta para a concesión da subvención e, en todo caso, a obtención concorrente de subvencións outorgadas por outras Administracións, Entes públicos ou privados, nacionais ou internacionais, poderán dar lugar á modificación da resolución de concesión.

O importe das subvencións, en ningún caso poderá ser de tal contía que, illadamente ou en concorrencia con outras Administracións ou Entes públicos ou privados, nacionais ou internacionais, supere o custo da acción ou comportamento.

A subvención máxima que se poderá conceder non poderá superar o 60 % do orzamento financiable presentado por cada un dos solicitantes.

## 10.- PRAZOS DE EXECUCIÓN

O prazo máximo de execución ou comportamento subvencionado será o comprendido e referido á temporada deportiva 2015-2016.

En casos excepcionais, a entidade beneficiaria poderá solicitar unha ampliación do prazo sempre que a actividade, acción ou comportamento a xustificar non concluíse pola propia natureza desta, sendo a súa resolución adoptada pola Presidencia desta Deputación Provincial, e tendo en conta tamén que a ampliación non exceda da metade deste e sempre que con isto non se prexudiquen dereitos de terceiros.

## 11. RESOLUCIÓN E COMUNICACIÓN

A proposta do órgano instructor, a Xunta de Goberno resolverá definitivamente as subvencións. A resolución, ademais de conter o nome do solicitante ou relación de

solicitantes co número de solicitude ás que se concede a subvención, fará constar, se é o caso, de xeito expreso a desestimación do resto das solicitudes.

Non se concederá ningunha subvención até que non se xustifiquen axeitadamente subvencións anteriores concedidas pola Deputación Provincial de Lugo.

A resolución de concesión das axudas por parte da Xunta de Goberno, será obxecto de notificación por medio de publicación no BOP e na paxina web da Deputación de Lugo [www.deputacionlugo.org](http://www.deputacionlugo.org)

A publicación no BOP surtira os efectos de notificación ao abeiro do artigo 59.6.b da Lei 30/92 do 26 de novembro do Rexime Xurídico das Administracións Públicas e do Procedemento Administrativo Común.

O prazo máximo para resolver e notificar a resolución do procedemento non poderá exceder de tres meses. O prazo computarase a partir do día en que remata o prazo establecido na convocatoria para presentalas. De conformidade co artigo 15 da Ordenanza xeral de subvencións desta Deputación. No caso de non ditarse resolución expresa no prazo indicado, o interesado poderá entender desestimada a súa solicitude, sen prexuízo da obriga legal de resolver expresamente conforme o disposto nos artigos 42 e 44 da Lei 30/1992, do 26 de novembro, de rexime xurídico das administracións públicas e do procedemento administrativo común.

As contías e condicións das subvencións poderán ser modificadas no caso de que resulten alteradas as condicións que se tiveron en conta para a súa concesión.

## **12.- XUSTIFICACIÓN E ABOAMENTO DAS SUBVENCIÓNS**

Considéranse gastos subvencionables , aqueles que de maneira indubidable respondan á natureza da actividade subvencionada, resulten estritamente necesarios e se realicen no ano 2016. Entenderanse dentro do gasto subvencionable, os gastos derivados da participación do equipo solicitante na competición de 1ª ou 2ª categoría que de maneira indubidable respondan á natureza da actividade subvencionada para a que se solicita a axuda.

Os gastos financeiros , os gastos de asesoría xurídica ou financeira, os gastos notariais e rexistrais e os gastos periciais para a realización do proxecto subvencionado e os de administración específicos son subvencionables se están directamente relacionados coa actividade subvencionada e son indispensábeis para a adecuada preparación ou execución da mesma.

Para os efectos do disposto no artigo 31.1 e 2 da Lei 38/2003, de 17 de novembro, xeral de subvencións, considerase gasto realizado o que se acredite coa presentación das facturas

e/ou xustificantes de gasto, sendo necesario que este se atope pagado con anterioridade á finalización do prazo de xustificación e, que se acredite o seu pagamento.

O beneficiario poderá subcontratar con terceiros até o 100 por cento do importe da actividade subvencionada.

**As xustificacións de aboamento das subvencións presentaranse na área de xestión correspondente coa seguinte documentación:**

- **Memoria de actuación xustificativa** e custo total da actuación realizada sobre o cumprimento das condicións que orixinaron a concesión da subvención explicitando o nivel de logros acadados.

- **Memoria económica xustificativa do custo da actuación realizada**, que conterá:

1.- **Declaración do custo total da actividade** subvencionada, indicando os importes de financiamento

2.- **Relación clasificada dos gastos** da actuación subvencionada (custo total da actividade), con identificación do acredor e documento, importe, data de emisión e data de pagamento.

3.- **Facturas ou documentos de valor probatorio** equivalente no tráfico xurídico mercantil ou con eficacia administrativa, como mínimo até o importe da subvención concedida. Os documentos acreditativos dos gastos que se acompañen terán que ser orixinais, podendo ser devoltos ao beneficiario da subvención, se así o solicita, unha vez selados polo órgano xestor.

4.- **Acreditación do pago das facturas ou documentos anteriores.**

O pagamento das facturas ou documentos de valor probatorio equivalente no tráfico xurídico mercantil ou con eficacia administrativa, deberá realizarse antes do remate do prazo de xustificación da presente subvención, tendo en conta que segundo o establecido no artigo 7 da Lei 7/2012, de 29 de outubro, de modificación da normativa tributaria e orzamentaria e de adecuación da normativa financeira para a intensificación das actuacións na prevención e loita contra a fraude, non poderán pagarse en efectivo as operacións, nas que algunha das partes intervenientes actúe en calidade de empresario ou profesional cun importe igual ou superior a 2.500,00 euros ou o seu contravalor en moeda estranxeira. A efectos do cálculo da contía sinalada, sumaranse os importes de todas as operacións ou pagos en que se puido fraccionar a entrega de bens ou a prestación de servizos. Entenderase por efectivo os medios de pago definidos no artigo 34.2 da Lei 10/2010, de 28 de abril, de prevención do branqueo de capitais e da financiación do terrorismo, isto é, o papel moeda e a moeda metálica, nacionais ou estranxeiros; os cheques bancarios ao portador denominados en

calquera moeda e calquera outro medio físico, incluídos os electrónicos, concebido para ser utilizado como medio de pago ao portador.

Cando unha factura ou documento de valor probatorio equivalente se pague en efectivo deberá constar na mesma a expresión “Recibín en efectivo en data ....., asinada polo receptor con identificación do mesmo (N.I.F., nome e apelidos).

5.- **Os tres orzamentos** que, en aplicación do artigo 31.3 da Lei xeral de subvencións, debe de ter solicitado o beneficiario, cando o importe da subvención concedida sexa igual ou superior a 60.000,00 €.

6.- **Declaración responsable** da entidade de que, a actividade obxecto da subvención ou axuda económica, foi realizada na súa totalidade co cumprimento das condicións que motivaron a súa concesión, segundo o modelo normalizado.

7.- **Declaración responsable** da entidade dos datos da relación detallada das subvencións/ axudas ou patrocinios (sen achega económica) obtidos doutras administracións públicas ou entidades privadas para o mesmo obxecto ou actividade ou, se é o caso, declaración de non ter outras subvencións públicas ou privadas para o mesmo obxecto ou actividade, segundo o modelo normalizado.

**\*Certificados de estaren ao corrente no cumprimento das súas obrigacións tributarias (Axencia Tributaria Estatal, Facenda autonómica e Servizo de Recadación Provincial) ou fronte á Seguridade Social.** Non entanto, a Deputación poderá solicitar estes certificados, se así o considera, aos organismos correspondentes. Para estes efectos os beneficiarios deberán acompañar autorización do representante da entidade para que a Deputación poida solicitar estas certificacións fronte aos citados organismos, segundo o modelo normalizado, agás o certificado da Seguridade Social que deberá ser presentado pola entidade beneficiaria. Non obstante, se é o caso, terase en conta o artigo 24.4 do R.D. 887/2006, de 21 de xullo polo que se aproba o Regulamento da Lei 38/2003, de 17 de novembro, Xeral de Subvencións, segundo o cal poderán acollerse á Simplificación da acreditación do cumprimento das obrigas tributarias e coa Seguridade Social aquelas subvencións nas que a súa contía a outorgar a cada beneficiario non supere na convocatoria o importe de 3.000 euros. Para esta situación, deberase achegar e presentar unha declaración responsable, (segundo o modelo normalizado) que substituirá á presentación das certificacións previstas no artigo 22 do mencionado Real Decreto.

**\* Declaración responsable da entidade de non ser debedor** por resolución de procedencia de reintegro, segundo o modelo normalizado.

- **Documento emitido pola entidade bancaria** no que se indique o número de conta na que se procederá, no seu caso, ao abono da correspondente subvención.

- Se é o caso, **declaración responsable do representante da entidade** de que a entidade que representa está asumindo o custo do Imposto sobre o Valor Engadido (IVE), derivado dos gastos subvencionables da actividade, acción ou comportamento para a que solicita subvención, por non ter a posibilidade de compensalo ou recuperalo.

- **Se é o caso, acreditación** do uso da imaxe corporativa da Deputación Provincial de Lugo nos distintos soportes utilizados na realización da actividade ou comportamento e en lugar visible, nomeadamente na indumentaria da actividade deportiva.

O aboamento da subvención, unha vez aprobada a documentación xustificativa desta, será efectuada mediante transferencia bancaria á conta sinalada polo solicitante.

No caso de non executarse a totalidade da cantidade aboada en concepto de anticipo, presentarase documentación xustificativa do reintegro da parte non executada na conta da Deputación: 2080-0163-85-3110000423. De non se cumprir esta obriga, procederá o reintegro da cantidade percibida e non executada e a esixencia do xuro de mora correspondente desde o momento do pagamento da achega ata a data na que se acorde a procedencia do reintegro.

### **13.- PRAZOS DE XUSTIFICACIÓN**

Unha vez finalizada a acción ou comportamento e no prazo establecido, as entidades beneficiarias das axudas deberán xustificar o cumprimento da finalidade da acción ou comportamento subvencionado.

A rendición da conta xustificativa constitúe un acto obrigatorio do beneficiario, e a súa presentación realizarase no prazo de tres meses a contar a partir da execución da actividade, e en calquera caso, o prazo rematará o 31 de marzo de 2017.

Este prazo poderá modificarse atendendo á excepcionalidade e motivación que fundamente a modificación do prazo de execución, do xeito que o prazo de xustificación sexa coherente coa resolución adoptada.

Logo de transcourir o prazo establecido da xustificación das subvencións sen que a conta xustificativa fose presentada diante desta Deputación, o órgano de xestión requirirá ao beneficiario da mesma para que no prazo improrrogable de quince días sexa presentada. A falta de presentación da xustificación neste prazo adicional levará consigo a perda do dereito ao cobro total da subvención e, tamén ao reintegro da contía anticipada e a esixencia do xuro de mora correspondente dende o momento do pagamento da achega ata a data na que se acorde a procedencia do reintegro, de conformidade con canto se establece no artigo 16 da Ordenanza Xeral de subvencións desta Deputación, no artigo 34.3 da Lei 38/2003, do 17 de novembro, Xeral de subvencións e no artigo 31.5 da Lei 9/2007, do 13 de xuño de Subvencións de Galicia

## **14. PAGAMENTO**

No caso de que o beneficiario o solicite, poderase realizar un anticipo como entrega de fondos que non superará o 80 % da axuda concedida, a través de transferencia bancaria á conta corrente do beneficiario, e con dispensa de garantía.

No caso de se proceder ao anticipo do 80 %, o pagamento do 20 % restante da subvención concedida, queda condicionado á presentación e aprobación da documentación xustificativa sinalada anteriormente, a través de transferencia bancaria á conta corrente do beneficiario. En ambos os dous casos, non se procederá ao aboamento da subvención se o beneficiario non está ao corrente no cumprimento das súas obrigas tributarias e fronte á seguridade social ou sexa debedor por resolución de procedencia de reintegro.

## **15.- REDUCIÓNS**

Unha vez recibida a conta xustificativa a área de xestión competente revisará a documentación presentada polos beneficiarios comprobando o cumprimento das condicións que motivaron a resolución da concesión da subvención.

No caso de que o importe da subvención concedida illada ou en concorrencia con outras subvencións outorgadas por outras Administracións ou de Entes públicos ou privados, nacionais ou internacionais, supere o custo da actividade ou comportamento, procederase a redución da subvención concedida até que non se supere este custo.

No caso de que o importe dos gastos subvencionables xustificado polo beneficiario non alcance o importe da subvención concedida, reducirase a subvención en función do alcance da propia conta xustificativa.

Dado que a actuación deberá ser financiada polo beneficiario cando menos no 5%, se do custo da actividade subvencionable se deduce que os recursos propios non chegan a esa porcentaxe, reducirase a subvención ata que os recursos propios supoñan o 5% esixido.

Nestes casos, as reducións practicaranse de oficio e de xeito automático sen necesidade de iniciar ningún procedemento previo informe da área de xestión competente.

## **16. MODIFICACIÓN DA RESOLUCIÓN**

Toda alteración das condicións tidas en conta para a concesión da subvención e, en todo caso, a obtención concorrente de subvencións ou axudas outorgadas por outras administracións ou por calquera dos seus organismos, entes públicos ou privados, nacionais ou internacionais, poderá dar lugar á modificación da resolución de concesión.

## **17. RENUNCIA**

A renuncia á subvención poderase facer por calquera medio que permita a súa constancia, de acordo co establecido no artigo 91 da Lei 30/1992, do 26 de novembro, de réxime xurídico das administracións públicas e do procedemento administrativo común.

## **18. PLAN DE AUDITORÍA**

A efectos de executar o control financeiro e a fiscalización plena posterior en materia de subvencións pola Intervención Provincial levarase a cabo un Plan de Auditoría anual que indique o alcance da comprobación, tanto a mostra en forma de selección, como as principais actuacións a comprobar, que como mínimo serán as seguintes:

1. Comprobar a execución polos beneficiarios das actividades ou investimentos subvencionables e o cumprimento da finalidade para a que foron concedidas.
2. Verificar a existencia e custodia polo beneficiario das facturas, certificacións ou documentos xustificativos da subvención.
3. Verificar a data de pago dos devanditos documentos.

Para a execución do Plan de Auditoría, a Intervención Provincial pode, en caso de insuficiencia de medios propios dispoñibles, recabar a colaboración de empresas privadas de auditoría.

O órgano competente para a aprobación do Plan de Auditoría anual será a Xunta de Goberno Provincial.

## **19.- SUPOSTOS DE REINTEGRO**

No caso de que o beneficiario incorra nalgunha anomalía para obter a subvención ou incumprimento da natureza da actividade total ou parcialmente, así como o incumprimento do contido das bases e da convocatoria para a concesión destas, a entidade deberá proceder ao reintegro das cantidades percibidas.

En todo caso, aplicaranse como causas de reintegro as previstas no artigo 37 da Lei Xeral de Subvencións e disposicións concordantes e como procedemento de tramitación do reintegro o previsto no artigo 41 da LXS e disposicións concordantes.

## **20. PROTECCIÓN DE DATOS DE CARÁCTER PERSOAL**

A presentación das solicitudes supón a aceptación incondicional das presentes bases da convocatoria e das condicións, requisitos e obrigas contidas nelas.

A concorrencia ao proceso de concesión de subvencións implicará a manifestación tácita do consentimento inequívoco ao tratamento de datos de carácter persoal e a súa publicación de acordo co previsto na Lei Orgánica 15/99 de 13 de decembro, de Protección de Datos de carácter persoal. A finalidade da recollida e tratamento dos datos persoais será estritamente á xestión e tramitación do expediente correspondente.

## **21.- OUTRAS DISPOSICIÓNS**

No non previsto nestas bases de convocatoria estarase ao disposto en

- Lei 30/1992, do 2 de novembro, de Réxime Xurídico das Administracións Públicas e Procedemento administrativo común, modificada pola Lei 4/1999, do 13 de xaneiro.
- Lei 29/ 1998, do 13 de xullo, Reguladora da Xurisdición contencioso-administrativa
- A Lei estatal 38/2003, de 17 de novembro, Xeral de Subvencións.
- R. D. 887/06, de 21 de xullo, polo que se aproba o Regulamento de Subvencións.
- Lei 9/2007, de 13 de xuño, de Subvencións de Galicia.
- A Ordenanza Xeral de Subvencións da Excma. Deputación Provincial de Lugo, aprobada por acordo do Pleno de data 28 de febreiro de 2005.
- O Regulamento Orgánico da Deputación.
- Bases de execución do orzamento e a normativa sobre delegación de competencias e atribucións dos órganos de goberno da Deputación vixentes no momento da concesión.

Lugo, 23 de agosto de 2016

El Presidente

Darío Campos Conde

O Secretario Xeral

Manuel Castiñeira Castiñeira